

文苑英華卷第二百二十六

詩七十六

道門二

宮觀六十四首

入道士觀

庾信



金華開八景玉洞上三危雲袍白鶴度風管鳳凰吹野衣
縫蕙葉山中縶去聲笋皮何必淮南館淹留攀桂枝

遊始興道館

陰鏗

見類聚

紫臺高不極青溪千仞餘壇邊逢藥鈿洞裏閱仙書庭舞
經乘鶴池遊被擢一作控魚稍昏薤葉歛欲暝槿花踈徒教
斧柯爛會自不凌虛

和庾肩吾入道士館

周弘正

石橋看舊跡一作石橋有舊路 虛空一作靈 礙衆仙菊潭溜餘水丹

竈起寒一作殘 煙桃花經作實海水屢成田送還一作逆愁歸里

閑或作舊里 追問斧柯年

一作皆藝文類聚

秋日仙遊觀贈道士 王勃

石圖分帝宇銀牒洞靈宮迴丹縈岫室復翠上巖櫺霧濃

金竈靜雲暗玉壇空野花常捧露山葉自吹風林泉明月

在詩酒故人集作水非 同待途逢石髓集作非 從爾命飛鴻

尋道觀其觀即昌利觀而張天師居也 前人

芝廬光分野蓬闕盛規模碧壇清桂闕集作影 卅洞蕭松樞

玉笈三山記金箱五岳圖蒼虬不可得集作見 空望白雲衢

八仙逕寺南又有昌利觀去寺數里巖逕窈窕扶而後進 前人

柰集作大 園欣八正松巖訪九仙援蘿規霧術攀桂俯雲煙

集作 岱北鸞駮至遼西鶴騎旋終稀脫塵網連翼下芝田

和輔先入吳天觀星瞻集作星占 楊炯

遁甲爰皇里星瞻太一宮天門開奕奕佳氣鬱蒼蒼碧落

三乾外黃圖四海中邑居環若水城闕抵新豐玉檻崑崙

側金樞地軸東上真朝北斗元始詠南風漢君祠五帝淮

王禮八公道書編一作載 竹簡靈藥灌梧桐草茂一作蔓 瓊階

綠花繁寶樹紅石樓紛似畫地境鏡 森如空桑海中應積桃

源路不窮黃軒若有問三月住崆峒集作往 桑海中集作年

和劉侍郎入隆唐觀 前人

福地陰陽合仙都日月開山川峻四嶽城樹隱三臺伏檻
排雲出飛軒遶澗迴參差陵倒景蕭洒軼浮埃百果珠爲
寶群峰錦作苔懸蘿暗凝霧瀑布響成雷方士燒丹液真
人泛玉杯還如問桃水更似得蓬萊漢帝求仙日相如作
賦才自然金石奏何必上天台

遊廢觀

前人

青嶂倚丹田荒涼數百年猶知小山桂尚識大羅天藥敗
金爐火苔昏玉女泉歲時無壁畫朝夕有階煙花柳三春
節江山四望懸悠然出塵網從此狎神仙

遊紫霞觀

駱賓王

碧落澄秋景玄門啓曙關人疑列禦至客似令威還羽蓋

從斯

集作徒欣

仰雲車未可攀

抵一應傾玉醴

集作時

許寄顏顏

遊靈公觀

前人

靈岑

集作峰

標勝地

集作境

神府

枕通川

玉殿斜連漢金堂廻

架煙斷風踈晚竹流水切危

集作寒

絃別有青門外空無

懷玄圃仙

春日登金華觀

陳子昂

白玉仙臺古丹丘別望遙山川亂雲日樓榭入烟霄鶴舞
千年樹虹飛百尺橋還疑赤松子天路坐相招

縱山廟

此詩三百二十卷重出今已刪去

宋之問

王子賓仙去飄飄笙鶴飛徒聞滄海變不見白雲歸天路
何其遠人間此會稀空歌白雲暮霜月漸微微

過太一觀賈生房

王維

昔余栖遁日之子煙霞鄰共携松葉酒俱簪竹皮巾攀林
遍巖洞採藥無盡春謬以道門子微為驟御臣常恐卅液
就先我紫陽賓天促萬塗盡衰傷百慮新跡峻不容俗才
多反異真泣對雙泉水還山無主人

一柱觀

張說

舊說江陵觀初疑神化來空山結雲閣綺靡隨風迴柰何

一作

一柱斯焉容衆材奇巧集作

非長世今餘草露臺

同刑判官尋龍湍觀歸湖中

孫逖

星使下仙

集作

京雲湖喜晝晴更從探穴處還作棹歌行

絲管荷風入簾帷竹氣清莫愁歸路遠水月夜虛明

尋雍尊師隱居

李白

群峭碧磨天逍遙不記年撥雲尋古道倚樹聽流泉花暖

青牛卧松高白鶴眠語來江色暮獨自下寒煙

潯陽紫極宮感秋

前人

何處聞秋聲條條北窓竹迴薄萬古心攬之不盈掬靜坐
觀衆妙浩然媚幽獨白雲南山來就我簷下宿懶從唐生
訣羞訪季主卜四十九年非一往不可復野情轉蕭散世
道有翻覆陶令歸去來田家酒應熟

清明日宴梅道士房

孟浩然

林卧愁春盡開軒覽物華忽逢青鳥使邀我赤松家

一作

丹竈初開火仙桃正落花童顏若可駐何惜醉流霞

此詩二百十四卷重出今已削去

遊精思觀王白雲在後

前人

出谷未停午到家已夕曛

集不作至家

迴瞻下山路但見牛

羊群樵子暗相失草蟲寒不聞衙門猶未掩佇立待

集作童望

夫君

宿天台桐栢觀

前人

海行信風帆夕宿逗雲鳥緬尋滄洲趣近愛赤城好捫蘿

亦踐苔輟棹恣窮

集作探

討息

陰憇桐栢采秀弄芝草鶴啖

清露垂鷄鳴信朝早願言解纓絡從此去煩惱高步凌四

明玄縱

集作蹤

得三老紛吾遠

遊意學此

集作樂彼

長生道日夕

望三山雲濤空浩浩

宿太平觀

蔡母潛

見集本

夕到玉京寢宵冥雲漢低蒐交仙室蝶曙聽羽人鷄滴瀝

花上露清冷松下溪明當訪真隱揮手入無倪

茅山洞口

前人

華陽仙洞口半嶺拂雲看窈窕穿苔壁

集作陸

差池對石壇

方隨地脉轉稍覺水精寒未果變金骨歸來茲路難

過方尊師院

前人

羽客北山尋草堂松逕深養神宗示

集作爾

法得道不知心

洞戶逢雙履寥天有一琴

一作禽

更登玄圃上仍種杏成林

武陵龍興觀黃道士房間易因題

一作魯

王昌齡

齋心問易太陽宮八卦真形一氣中仙老言餘鶴飛去玉

清墻上雨濛濛

尋常山南溪道人一作隱居

劉長卿

一路經行處集作苔見履痕白雲集作依靜渚春草閉閑門

過雨看松色隨山到水源溪花與禪意相對亦忘言

洞陽山已見一百五十九卷

前人

過包尊師山院

前人

賣藥曾相識吹簫此復聞杏花誰是主桂樹獨留君漱玉

臨丹井園碁訪白雲道經今為寫不慮惜鴉群

自紫陽觀至華陽洞宿侯尊師草堂簡同遊李延陵

陵

李延陵

石林媚烟景句曲盤江甸南向佳氣濃峯峯遙隱見漸臨

華陽口微路入葱蒨七曜懸洞宮五雲抱山殿銀函竟誰

發金液徒堪薦千載桃花一作空秦人深不見東溪喜

相遇貞白如會面青鳥來去閑紅霞朝夕變一從化真骨

萬里乘飛電蘿月延步虛松花醉閑宴幽人即長往茂宰

應交戰明發歸琴堂知君懶為縣

題玉真觀李秘書

韓翃

白雲斜日影深松玉宇瑤壇知幾重把酒題詩人散後華

陽洞裏有踈鍾

同題仙遊觀

前人見集本

仙臺下見五城樓風物淒淒宿雨收山色遙連秦樹晚碁

聲近報漢宮秋踈松影落空壇淨細草香開一作小洞幽

何用別尋方外去人間亦自有丹丘

宿洞靈觀

皇甫冉

孤煙洞靈觀積雪暮山寒松栢凌高殿莓苔封古壇客來清夜久仙去白雲殘明日開金籙焚香又沐蘭

過李尊師院

集作過樓觀李尊師

盧綸

城闕望烟霞常悲仙路賒寧知樵子逕得到葛洪家犬吠松間月人行洞裏花留詩千載鶴送客五雲車訪集作世傲山空在觀碁日未斜不知塵俗士誰解種胡麻

尋賈尊師

前人

王洞秦時客焚香映綠蘿新傳左慈訣曾與右軍鵝并舊陰苔扁方書古字多成都今日雨應共酒相和

虢州逢侯劉同尋羅志用觀因贈別時綸

前人

相見翻惆悵應憐責廢官過深深慙祿在識淺賴刑寬獨失耕桑業同思弟姪歡衰貧羞客過卑束會君難放鶴歸雲壁澆花遶石壇輿還江海上跡在是非端林密風聲結山高雨勢寒悠然此中別賓僕亦闌干一作冊

題天華觀

前人

峰嶂徘徊霞影新一潭寒水絕纖鱗朱字靈書千萬卷集作軸蒼髯道士兩三人芝童解說壺中事玉管能留天上春昨見仙丹求不得漢家簪紱集作緩紱在羸身

和李中丞詔萬年房少府過汾州景雲觀因以寄

房與李早年同居此觀

前人

顯晦澹無跡賢哉常晏如如何驚孤鶴忽乃傳雙魚叙以
泉石舊悵然風景餘低徊青油幕夢寐白雲居玉洞桂香
滿雪壇松影踈沉思矚仙侶紆組正軍書積學早成道感
恩難遂初梅生諒有感歸止豈無廬

題葉道士山房

顧况

水邊垂柳赤欄橋洞裏仙人碧玉簫近得麻姑書信否潯
陽向上不通潮

題玉真觀公主山池院

司空曙

香殿留遺影春朝玉戶開羽衣重素機一作集作宋網儼塵埃
集作石自蓬山得泉經太液來柳絲渡綠浪花粉落青苔
輕埃鏡掩鸞空在霞銷風不迴一作惟餘古桃一作古壇樹傳是上

仙栽

同蕭鍊師宿太一廟

李益

微月空山曙春初集作謁少君落花壇上掃集作流水洞
中聞酒引芝童真香餘桂女焚鶴飛將羽節遙向赤城分

雲陽觀寄袁稠

李端

花洞滿沉沉集作花洞晚陰陰仙壇隔杏林漱泉春谷冷擣藥夜
窻深石上開仙酌集作松間對玉琴戴家溪北住雪後去
相尋

武康郭外望許緡先生山居

崔洞

湖上千峰帶落暉白雲開處見紫扉松門一逕仍生草應
是仙人一作向郭稀

集作

文苑英華

卷一百一十五

八

題茅山李尊師所居

嚴維

天師百歲少如童不到山中更不逢
洗藥每臨新瀑水步虛時遶最高峯
籬根五月留殘雪座石千年陰古松
此去人寰知近遠迴看路隔一重重

經故賀賓客鏡湖道士觀

朱放

已得歸鄉里逍遙一外臣
那隨逝集作流水去不待鏡湖春
雪裏登山屐林間漉酒巾
空餘集作留道士觀誰是學仙人

宿王尊師居

于鵠

夜愛雲林好寒天月裏行
青牛眠樹影白犬吠猿聲
一磬山集作上院靜千燈溪路明
從亦不此峯客幾個得長生

過凌霄斷天謁張先小祠

依品類改 前人

戢戢亂峰裏一峰獨凌天
下看知一作如尖高上有十里泉

至人愛幽深一住十五一作五十年
懸犢一作牘到其上乘牛耕

藥田衣食不下求乃是雲中仙
山僧獨知處相引衝碧烟

斷崖晝昏黑差泉橫雙一作雙
椽面壁攀石稜養力方敢前

累歇日已沒始到茅堂邊
見客不問誰禮質無周旋醉卧

枕歌樹坐寒展青氈折松掃藜牀
秋菓顏色鮮鍊蜜敲石

炭洗澡乘瀑泉白犬舐客衣
驚走聞腥羶乃知軒冕徒寧

比雲壑眠一作替王安石詩選

早凌霄第六峰入紫鷄谿禮白鶴觀 前人

路轉第六峰傳是十里程
放石試淺深硯壁蛇鳥驚欲下
先褰衣路低避枯莖迴途歇
嵌岨整帶重冠纓及到紫石

溪掩掩天已明漸近神仙居桂花濕溟溟陰苔無人蹤是
得白鶴翎忽然見朱樓象牌題玉京沉沉五雲影香風散
縈縈清齋列上堂窓戶懸水晶青童搗金屑白杵聲丁丁
腥羶遙問誰稽首稱姓名若容在溪口願乞殘雲英

同張明府遊仙臺

朱灣

松檜陰陰一逕微中峯石室到人稀仙官不住青山在古
老相傳白日飛華表問看何歲木片雲留看去時衣今朝
慙疑作茂宰尋真宰暫駐雙鳧且莫歸

宿天柱觀

僧靈一觀稿

石室初投宿仙翁喜暫容花源隔水見洞府過山逢泉湧
塔前地雲生戶外峯中霄自入上定不是欲降龍

經仙人渚即沈山下古人沈羲白日昇仙處

僧皎然

日月人間短何時此得仙古山春已盡遺渚事空傳不見
騰雲駕徒臨一作聞洗藥泉如今成逝水翻使恨流年

仙女臺得仙字

前人

寂寞一作寂舊桑一作朱田誰家一作何時女得仙應無雞犬在空
有子孫傳古木花猶發荒臺月尚懸一作荒臺路未還片雲低不
散一作暮來疑是却一作欲歸年一作皆高僧詩

題應聖觀

王建集見本

精思堂上畫三身迴作仙宮度美人賜藥御書金字貴行
香天樂羽衣新空廊兩滴花飄縫小殿蟲緣玉像塵頭白

女冠猶說得枯株不似已前春

題東華觀

前人

路盡烟光外院門題上清鶴雛靈解集作語瓊葉軟無聲

白髮道心熟黃衣仙骨輕還歸對憂樂何處覓長生

和楊三舍人晚秋與崔二舍人張秘監苗考功同

遊昊天觀時中書寓直不得陪隨因追往年曾與

舊僚聯遊此觀記題在壁已有淪亡書事感懷輟

以呈寄燕呈東省三給事之作楊君見徵鄙詞因

以繼和

武元衡

瑤圃高秋會金閨奉詔衣朱輪天上客白石洞中人珮響

泉聲雜朝衣羽服親九重青瑱秘三秀紫芝新化藥秦方

士偷桃漢侍臣玉笙王子駕遼鶴令威身歎逝顏波遠緘

詞麗曲春重將悽恨意苔壁問遺塵一作

題玄和師仙藥室

楊衡

山邊蕭寂室石掩浮雲扃遶室微有路松烟深冥冥入松

汲寒水對鶴問仙經石几香未盡水花風欲零何年去華

表幾度窮蒼溟却顧宦遊子眇如霜中螢

遊陸先生故巖居

前人

獨壑臨萬嶂蒼苔絕行跡仰窺猿桂樹一作俯對鶴巢石

上有一巖屋相傳靈人宅深林無陽暉幽水轉鮮碧拾薪

遇遺鼎探空得古籍結念俠雲興燒香坐終夕

宿青牛谷梁鍊師仙居

前人

隨雲步入青牛谷青牛道士留我宿可憐夜久月明中惟
有壇邊一枝竹

經東都安國觀九公子舊院作 劉禹錫

仙院御溝東今來事不同門開青草日樓閉綠楊風將犬
昇天路披霓赴月宮武皇曾駐蹕親問主人翁

元和十年自朗州承詔至京戲贈看花諸君子

前人

紫陌紅塵拂面來無人不道看花廻玄都觀裏桃千樹盡

是劉郎別集作去後栽

再遊玄都觀絕句 前人

百畝庭中半是苔桃花爭盡菜花開種桃道士歸何處

度劉郎今獨來

善養臺下作集作臺上

前人

先生見堯心相與公集作去九有斯民既已治我得安山一作

林藪道爲自然貴名是無窮壽瑤壇在此山識者常廻首

玉真觀 張籍

臺殿曾爲貴主家春風吹盡竹窻紗院中仙女脩香火不
許閑人入看花

不食仙姑山房 前人

寂寂桂花裏草堂唯素琴因仙曾改姓見客不言心月出
溪路靜鶴鳴雲樹深丹砂如可學便欲住幽林

西上經靈寶觀觀即尹真舊宅 孟郊

道士無白髮語音靈泉青青松多壽色白石恒夜明放步
霽霞起振衣華風生真文秘中頂寶氣浮四楹一片古關
路萬里今人行上仙不可見孤集作策徒西征

校正九十三字 戊寅五月朔

文苑英華卷第二百二十六

文苑英華卷第二百二十七

詩七十七

道門三

宮觀三十三首

送僧贈道人二十六首

宮觀

早冬遊至王屋自靈都抵陽臺上方望天壇偶成
一章寄溫谷周尊師中書李相公 白居易

霜降山水清王屋十月時石泉碧深深集作巖樹紅離離

朝爲靈都遊暮有陽臺期飄然塵世外鸞鶴如可追忽念

公程盡復慙身力衰天壇在天半欲上心遲遲常聞此遊

者隱客與損之各把貴仙骨俱非泥垢姿二人相顧言彼

此稱男兒若不爲松喬即須作臯夔今果如其語公彩雙

歲莖一人佩金印一人翳玉芝我來高其事詠嘆偶成詩
爲君題石上欲使故山知

宿簡寂觀

前人

巖白雲尚屯林紅葉初隕秋光引閑步不知行遠近夕投
靈洞宿卧覺塵機泯名利心既忘市朝夢亦盡暫來尚如
此况乃終身隱何以療夜飢一匙雲母粉

華陽觀桃花時招李六拾遺飲 前人

華陽觀裏仙桃發把酒看花心自知爭忍開時不同醉明
朝後日即空枝

此詩三百二十一卷重出今已削去

宿張雲舉院

前人

不食胡麻飯杯中自得仙隔房集作招好客可室致芳筵

美集作醞香醪嫩時新異果鮮夜深唯畏曉坐穩不集作

思眠碁罷嫌無敵詩成愧在前明朝題壁上誰得衆人傳

題上皇觀

章孝標

五雲集作深蓋七星壇想像先朝駐禁鑾輦路已平栽藥

地皇風猶在步虛寒樓臺瑞氣晴蕭索杉檜龍身老屈蟠

感惠休言并李郭劔門空處望長安

題魚尊師院

賈島

老子堂前花萬樹先生曾見幾迴春夜熊白石平明喫不

擬教人哭此身

過陽道士居

前人

先生脩道處茅屋遠置氛叩齒坐明月楮願望白雲精神
含藥色衣服帶霞紋每語瀛州路多年別少君

古觀

朱慶餘

仙觀曾過知不遠花藏石室香難尋泉邊白鹿聞人語看

過仙壇漸入深一作林

玉芝觀章道士房

周賀

四面杉松合空堂畫老仙嘉根停雲水曲角積茶煙道至
心機盡宵清琴韻全獨嫌來又去不得坐經年

題終南麻先生寂禪師石室

劉得仁

同居石室貧五十二迴春擁褐冥集作忘心客窮經暮齒人

翠沉空水定雨絕片雲新危集作草細秋集作峯徑相隨到頂顛

題吳先生山居

前人

先生此幽隱便可謝人辟潭底見秋石樹間飛片雲山居
心已慣俗事耳憎聞念我自多疾開爐藥許分

題上皇觀

薛逢

狂寇窮兵犯帝畿上皇曾此振戎衣門前衛士傳清警砌
下奚官掃翠微雲駐壽宮三洞啓日迴仙仗六龍歸當時
丹鳳啣書處老栢蒼蒼已合圍

題春臺觀

前人

殿前松栢晦蒼蒼杏遶仙壇水遶廊垂露額題精思一作非
院博山爐裏降真香苔侵古碣迷陳事雲到中峰失上方
便擬尋溪弄花去洞天誰更待劉郎

重遊蘇州玉芝觀

許渾

高梧一葉下秋初迢迢重來寄舊居月過碧窓今夜酒雨

淋集作昏紅壁舊年書玉池露冷芙蓉淺金井烟分集作

薜荔踈從此扁舟集作明更東去仙翁應笑憶集作鱸魚

早出洞仙觀

趙嘏

露濃如水灑蒼苔洞口烟蘿密不開殘月色低當戶後曉

鍾聲迥隔山來春生藥圃芝猶短夜醮齋壇鶴未迴愁是

獨尋歸路去人間步步是塵埃

宿玉屋天壇

馬戴

星斗半沉蒼翠色紅霞遠照海濤分折松曉拂天壇雪投

簡寒窺玉洞雲絕頂醮迴人不見深林磬度鳥應聞未知

誰與傳金錄獨向仙祠拜老君

謁仙觀二首

前人

我生求羽化齋沐造山集作居葛蔓汲丹井石函盛集作

道書寒松多偃側靈洞遍清虛一就泉栖嶺集作雲中採

藥蔬

二

山空蕙氣香乳管折雲房願值壺中客親傳肘後方三更

禮星斗寸匕服丹霜默坐樹陰下仙經橫石牀

宿陽臺觀

前人

玉洞仙何在爐香客獨分集作醮壇圍古木石磬響寒雲

曙月孤霞映懸流峭壁分心知世上集作隔坐與鶴為群

成集作

文苑英華

集作
成

題龍瑞觀兼呈徐尊師

方干

或雨或雲常不特定地靈雲雨自無世人莫識神方宇仙
鳥偏棲藥樹枝深壑度年如晦暝陰溪入夏有凌澌此中
唯是集作師知我未得尋師即夢師

叙龍瑞觀勝具寄于尊師

前人

混元融結致功難山下平湖湖上山萬頃涵虛寒漱灑千
尋聳翠秀爛斑集作芰荷香入琴棊處雷雨聲離棟牖間
但有五雲衣鶴嶺曾無陸路向人寰夜溪漱玉常堪聽仙
樹垂珠可要攀若棄榮名便居此自然集作清濁不相關

尊師前年三十從
評事奪官入道

題天柱觀魚尊師舊院

前人

早識吾師頻到此芝童藥犬亦相迎師今一去無來日花
洞石壇空月明

真觀

李群玉

高情帝女慕乘鸞緝髮初簪玉葉冠公主玉葉冠時秋月
無雲生碧落素凜寒露出清蘭層城烟霧將歸遠浮世塵
埃久駐集作難一日集作蕭聲飛去後洞深空探集作洞

碧瑤壇

餘姚集作懸龍泉觀

張祐

四明集作山一面臺殿倚嵯峨中路見江山集作遠上方行
石多山集作晴花氣漫地暖鳥聲集作和徒漱葛仙井此

生真奈何

華山李鍊師所居

皮日休

麻一作花姑古貌上仙才謫向蓮峯管玉臺瑞氣染衣金液

啓香烟映面紫文開孤雲盡日方離洞雙鶴移時只有苔

深夜寂寥存想歇月天時下草堂來

終南白鶴觀

鄭谷

步步景通真門前衆水分檉蘿洞口集作諸洞合鍾磬上清聞

古木千尋雪寒山萬丈雲終期掃壇級來事集作伴紫陽君

題終南山白鶴觀

帝城文玄集作帝鄉

張喬

上徹鍊丹峯求玄意未窮古壇青草合往事白雲空仙境

日月外帝城烟霧中間足煩暑欲去戀松風

書梅福殿壁二首

前人

梅真從羽化萬古是湏臾此地名空在西山雲亦孤井痕

平野水壇級上春蕪縱有雙飛鶴年多松已枯

二

一自白雲去千秋壇月明我來思往事誰更得長生雅韻

磬鍾遠真風樓殿清今來爲尉者天下有仙名

題古觀

前人

急景遽衰老此經誰養真松留千載鶴碑隔六朝人洞水

流花草壺天閉雪春其如爲名利歸踏五陵塵

王霸壇

周朴

王君上昇處信首古居前皂樹即湏朽白龜亦應全雲間

猶一日塵裏已千年碧色壇如黛時人誰可仙

聖真觀劉真師院十韻

羅隱

簾下嚴君卦窓間少室峰攝生門已盡混跡世猶逢山藪

師王烈簪纓友戴顓魚跳介象二字見三國吳書十八卷註鱸飯吐葛

玄峰紫飽垂新棋黃輕墮小松塵埃金谷路樓閣上陽鍾

野鶴鳶肩寄仙書鳥爪封支牀龜縱老取箭鶴何慵別久

曾牽念閉來肯壓重尚餘青竹在試為剪一作誰為來成龍

亂後經表兄瓊華觀舊居

唐彥謙

一去仙居似轉蓬再經花謝倚春叢醉中篇什金聲在別

後音書錦字空長憶映碑逢若十二未曾携杖逐壺公東風

狼籍苔侵徑蕙草香銷杏帶紅

送韓入道士

荅句曲陶先生

梁范雲

終朝吐祥霧薄晚孕竒烟洞澗生芝草重崖出醴泉中有

懷真士被褐守中玄石戶棲十秘金壇謁九仙乘鶴方履

一作履履漢轡鶴且騰天

贈學仙者

王績

採藥層城遠尋師海路賒玉壺橫日月金闕斷烟霞仙人

何處在道士未還家誰知彭澤意更覓一作道步兵家一作那邪

春釀煎松葉秋盃浸菊花相逢寧可醉定不學丹砂

山居晚眺贈王道士

王郭

金壇踈俗宇玉洞侶仙群花枝棲晚露集作霧峯葉度晴雲

斜集作照日移山影迴沙擁籀集作溜文琴樽方待興竹樹已

迎暉

贈李榮道士有序不錄

盧照隣

錦節銜天使瓊仙駕羽君投金翠山曲莫壁清江瀆圓洞

開丹笄方壇聚絳雲寶貺幽難識空歌迥易分風搖十洲

影日亂九江文敷誠歸上帝詔應在明君獨有南冠客耿

耿泣離群遙看八會所真氣曉氛氲

秋日餞陸道士陳文林得風

駱賓王見集本

青牛遊華岳赤馬走吳宮玉柱離鴻怨金壘浮蟻空日霽

嶠陵雨塵起洛陽風唯當玄度月千里與君同

遊青都觀尋沈道士得仙

劉孝孫

紛吾因暇豫行樂極一作極留連尋真謁紫府披霧覩青天

緬懷金闕外遐想玉京前飛軒俯松竹抗殿接雲烟焜焜

清夏景嘒嘒早秋蟬橫琴對危石酌醴臨寒泉聊祛塵俗

累寧希龜鶴年無勞生翼羽自可狎神仙

同前得清

許敬宗

幽人蹈箕穎方士訪蓬瀛豈若逢真氣齊契體無名既詮

衆妙理聊暢遠遊情縱心馳貝闕怡神想玉京或命餘杭

酒時聽洛濱笙風衢通閶苑集作嶽星使下層城蕙帳晨飈

動芝房夕露清方叶棲遲趣於此遂鍾聲

同前得都

凌敬

聊排青鎖闥徐步入清都青溪冥寂士思玄徇道樞十芒

一作芝 生藥笥七焰發丹爐縹緲桐君錄朱書王母符宮槐
散綠穗日莖落青柎矯翰雷門鶴飛來葉懸縣鳥凌空自可
御安事迫中區方追羽化侶從此得玄珠

同前得暢字

趙中虛

清溪阻千仞姑射藐汾陽未若遊茲境探玄衆妙場鶴來
疑羽客雲沉似蛻裳一作期寓目雖靈宇遊神乃帝鄉道存
真理得心灰俗累忘煙霞凝抗殿松桂肅長廊早蟬清暮
響崇蘭散晚芳即此翔寥廓非復控榆枋

和梁王衆傳張光祿是王子晉後身 崔融

聞有冲天客披雲下帝畿三千上賓去千載忽來歸昔偶
浮丘伯今同丁令威中郎才貌是柱一作歲史姓名非祗召

趨龍闕承恩到虎闈丹成金鼎獻酒至玉杯揮天仗分旄
節朝容問羽衣舊壇宮處所新廟坐光輝漢主存仙要淮
南愛道機朝朝緱氏鶴長向洛城一飛

玄化一作元觀尋李先生不遇

魏知古見初學記

羽客今何在空傳伊洛間忽聞歸舊縣復想入函關未作
千年別猶應七日還神仙不可見寂寞返蓬山

同工部李侍郎送司馬白雲歸天台 沈佺期

紫薇降天仙丹地投雲藻上言華頂事中間長生道華頂
居最高大壑朝陽早長生術何妙童顏後天老清晨朝鳳
京夜靜思鳴寶憑崖飲蕙氣過澗摘靈草人非冢已荒海
變田應燥昔嘗遊北郡三霜弄溟島緒言霞上開機事塵

外掃須來拋世務清曠未云保崎嶇待漏恩怵惕司言造
軒皇重齋拜漢武愛祈禱順風懷崆峒承露在豐鎬冷然
委輕馭復得快幽抱關下留伯陽儲間登四皓昔有參同
訣何時一探討

寄天台司馬先生

崔湜

聞有三元客祈山九轉成人間白雲返天上赤龍迎尚惜
金芝晚仍攀琪樹榮何年緱嶺上一謝洛陽城

寄天台司馬道士

宋之問

卧來生白髮覽鏡忽集作已成絲集作逖媿衿霞子童顏且集作常
自持舊遊惜踈集作彌曠微尚日集作磷緇不寄西山藥何由東

海期

送田道士使蜀投龍

前人

風馭忽冷然雲臺路集作幾集作千蜀門峰勢斷巴字水形連人隔
壺中地龍遊洞裏天贈言廻馭日圖畫彼山川

送司馬道士遊天台

前人

羽客笙歌此地集作圖離筵數處白雲飛蓬萊闕下長思憶集作桐
栢山頭去不歸

送楊道士往天台

張九齡

鬼谷還成道天台去學仙行應松子化留與世人傳此地
烟波遠何時羽駕旋當須一把袂城郭共依然

祭南嶽事畢謁司馬道士

前人

將命祈靈嶽廻策詣真士絕迹尋一逕異香聞數里分庭

八桂樹肅客兩童子入室希把袖登牀願啓齒誘我棄智
訣迨茲長生理吸精反自然鍊藥求不死斯言眇霄漢顧
予嬰紛滓相去九牛毛慙歎知何已集作荷知已

贈東嶽焦鍊師

王維

先生千載集作歲餘五嶽遍曾居遙識齊侯昴新過王母廬
不能師孔墨何事問長沮玉管時來鳳銅盤即釣魚竦身
空裏語明月夜中書自有還丹一作術時論太素初類蒙
露版詔將降軟輪車山靜泉逾響松高枝轉踈搢頤問樵
客世上復何如

贈焦道士

前人

海上遊三島淮南遇八公坐知千里外跳向一壺中縮地
朝珠闕行天使玉帝飲人聊割酒送客乍分風天老能行
氣吾師不養空謝君徒雀躍無可問鴻蒙

送張道士歸山

前人

先生何處去士王屋訪茅君別婦留丹訣驅雞入白雲人間
數剩住天上復離群當作遼城鶴仙歌使爾聞

送王尊師歸蜀中拜掃

前人

大羅天上神仙客濯錦江頭花柳春不爲碧雞稱使者唯
令白鶴報鄉人

送方尊師歸嵩山

前人

仙官欲住九龍潭旄節朱幡倚石龕山壓天中半天上洞
穿江底出江南瀑布杉松常帶雨夕陽彩一作蒼翠忽成嵐

借問迎來雙白鶴已曾衡岳送蘇耽

寄天台道士

孟浩然

海上求仙客三山望幾時焚香宿華頂裊露採靈芝屢踐
莓苔滑將尋汗漫期儻因松子去長與世人辭

尋梅道士張山人

前人

彭陵一作澤先生柳山陰道士鵝我來從所好停策夏雲
漢陰多重以觀魚樂因之鼓枻歌崔徐跡未朽千載揖清波

越中逢天台太子

前人

仙穴遙羽人停艦向前拜問字涉風水何事遠行邁登陸
尋天台順流下具會茲山夙所尚安得問集作靈恠上逼

青天高停臨滄海大雞鳴日日出常與仙人會集作每與

一本皆重押會字惟來去赤城中逍遙白雲外莓苔異人間

瀑布作集作空界福庭長不死勝境集作舊稱最末願從

之遊何當濟所屈

文苑英華卷第二百二十七

此卷按正九十八字 五月初一夜沃州記

文苑英華卷第二百二十八

詩七十八

道門四

送僧贈道人六十四首

贈高山焦鍊師

李白

二室陵青天三花含紫烟中有蓬海客宛疑麻姑仙道在
喧莫染跡高想已遷一作綿時餐金鷲藥一作金蛾藥屢讀青苔
篇八極恣遊憇九垓長周旋下瓢酌潁水舞鶴來伊川還
歸空山上獨拂秋霞眠蘿月挂朝鏡松風鳴夜絃潛光隱
嵩嶽鍊魄栖雲幄霓衣何飄颻鳳吹轉綿邈願同西王母
下顧東方朔紫書儻可傳真骨誓相學

此乃集本全篇文苑元本頗畧

訪戴天山道士不遇

前人

犬吠水聲中桃花帶露濃樹深時見鹿溪午不聞鍾野竹
分青靄飛泉掛碧峯無人知所去愁倚兩三松

奉餞高尊師如貴道士傳道錄畢歸北海 前人

道隱不可見靈書藏洞天天集作師四萬劫歷世迺相傳

別杖留青竹行歌躡紫烟離心無遠近長在玉京懸

送李青歸

集作華陽川南字

前人

伯陽仙家子容色如青春日月秘靈洞烟霞辭世人化心
養精魄隱几宵天真莫非千年別歸來城郭新

送內尋廬山女道士李騰空二首 前人

君尋騰空子應到碧山家水春雲母碓風掃石楠花若繼

幽居好相邀弄紫霞

二

多君相門女學道愛神仙素手握集作青靄羅衣曳紫烟
一往屏風疊乘鸞不着鞭

送女道士褚三清遊南嶽 前人

吳江女道士頭戴蓮花巾霓衣不濕雨特異陽臺神足下
遠遊履凌波生素塵尋仙向南嶽應見魏夫人

遇冲和先生 高適

冲和生何代或謂遊東溟三命謁金殿一言授集作銀青

自云多方術往往通精神集作靈萬乘親問道六宮無敢聽

昔者集作限霄漢今來觀儀形頭戴雛鳳冠手搖白鶴翎

終日飲醇酒不醉復不醒集作猶憶雞鳴山每誦西昇經
撫背念別離依然出戶庭莫見今如此曾爲一客星

龍道士問易叅同契

王昌齡

仙人騎白鹿髮短耳何長時余采菖蒲忽見嵩之陽稽首
求丹經廼出懷中方披讀了不誤歸家問稽康嗟余無道
骨廢我入太行

謁焦鍊師

前人

中峰青苔壁一點雲生時豈意石堂裏得逢焦鍊師鑪香
淨一作金按松影閑瑤墀拜受長年藥翩翩西海期

送宣尊師醮畢還越

劉長卿

吹簫江上曉惆悵別茅君踏火能飛雪登山集作吞刀入白雲

晨香永日在夜磬滿山聞揮手桐溪路無情水亦分

寄許尊師

前人

獨上雲梯入翠微蒙蒙集作濛濛烟雪映巖扉世人知在中峰
裏遙禮青山恨不歸

送暨道士還玉清觀

李頎

仙宮文粹有名籍度世吳江濱大道本無我青春長與君
中州俄已到至理得而聞明主降黃屋時人看白雲空山
何窈窕三秀日氛氲遂此留書客超遙烟駕分

寄焦鍊師

前人

得道凡百歲燒丹唯一身悠悠孤峰頂日見三花春白鶴
翠微裏黃精幽澗濱始無世上客一作出世不及山中人仙境

若有夢朝雲如可親何由覩顏色揮手謝風塵

謁張果先生

前人

先生谷神者甲子焉能計自說軒轅師于今數千歲寓遊
城郭裏浪跡希夷際應物雲無心逢時舟不繫霞冷斷火
粒野服蕪荷製白雲淨肌膚青松養身世韜精殊豹隱鍊
質同蟬蛻忽去不知誰偶來寧有契二儀齊壽考六合隨
休憇彭聃猶嬰孩松期且微細常問穆天子更憶漢皇帝
親屈萬乘尊將一作遊四海喬車徒徧草木錦帛招談說
八駿空往還三山轉虧蔽吾君感至德玄老欣來詣受籙
金殿開清齋玉堂閉笙歌迎拜首羽帳崇嚴衛禁柳垂香
爐宮花拂仙袂彌慶一作初寶祚廣致福蒼生惠何必待龍
髯一作成方取濟

宿贈廬山白鶴觀劉尊師

包佶

蒼蒼五老霧中壇杳杳三山洞裏官手護崑崙象牙簡心
推霹靂棗枝盤春飛雪粉如毫潤曉漱瓊膏冰齒寒漸恨
流年筋力少唯思露冕事星冠

送常司直西行

此公深
入道門

李嘉祐

不耻青袍故尤宜白髮新心朝玉皇帝貌似紫陽人湘浦
眠銷日桃源度醉春能文蕪證道莊叟是前身

此詩二百二十八卷重出今已削去

送柳道士

錢起

去世能成道遊仙在

集作不

定家歸期千歲鶴行邁五雲車

海上春應盡壺中日未斜不知相處琪樹幾枝花

中書省言懷因酬嵩陽張道士見寄 前人

朝花尋嶼林對酒傷春心流年依素髮不覺映華簪垂老

遇中已集作明代又作知已酌恩看寸陰如何紫芝客集作多慙紫陽客相

憶白雲深

酬崔侍御期籍道士不至兼見寄 皇甫冉

一心求妙道幾歲候真師丹竈歸何處集作在白雲無定期

崑崙烟景集作景致絕汗漫往還遲君但焚香坐人間到有時

送張道士歸茅山謁李尊師 前人

向山獨有一人行近洞應逢雙鶴迎常以素書傳弟子還

因白石號先生無窮杏樹何年種幾許芝田帶月耕師事

少君年歲久欲隨旄節往層城

送李道士 顧况

人境年虛擲仙源日未斜羨君乘竹杖辭我隱桃花鳥去

寧知路雲飛似憶家莫愁客鬢集作髮改自有紫河車

送葉尊師歸處州 耿緯

風馭南行遠長山與夜江羣祆離分野五嶽拜旌幢石髓

調金昇雲漿實玉釭祈祈大聲曉洞府有仙龍

送王道士 盧綸

夢別一仙人霞衣滿鶴身旌幢天路曉桃杏海山春種玉

非求稔燒金不為貧自憐頭早白難與葛洪親

酬暢當嵩山尊道士見寄 前人

聞逐樵夫閑看棋忽聞人世是秦時開雲種玉嫌山淺渡
海傳書恠鶴遲陰洞石幢微有字古壇松樹半無枝煩君
遠示青囊錄願得相從一問師

藍溪期蕭道士採藥不至

前人

春風生百藥幾處木苗香人遠花空發

集作落

溪深月復長

病多知藥性老近憶仙方青節何由見三山桂自芳

送道士郗曇素歸內道場

前人

病老正相仍忽逢張道陵羽衣風泚泚仙境玉稜稜叱我
問中壽教人祈上昇樓居五雲裏幾與武皇登

寄金椒山中道士

韋應物

今朝郡齋冷忽念山中客澗底束荆薪歸來煮白石欲持

一瓢酒遠寄風雨夕落葉遍空山何處尋行跡

贈韓道士

戴叔倫

日暮秋風吹野花上清歸客意無涯桃源寂寂煙雲閉天

路悠悠星漢斜還似世人生白髮定知

集作自

仙骨變黃菜

東城南陌頻相見應是壺中

一作天

別有家

送李道士歸山

崔洞

秋城臨古路城上望君還曠野入寒草獨行隨遠山授人
鴻寶內將犬白雲間早晚燒丹罷遙知冰雪寒

謁李尊師

奚賈

萬物還常性唯道貴自然先生容其微隱几爲列仙鍊魄
閉瓊戶養毛飛洞天將知道遙久得道無歲年

送王鍊師赴王屋洞

權德輿

稔歲在芝田歸程入洞天白雲亂辭上國青鳥會羣仙自以

棊銷日寧資藥駐年相看話離念集作合風馭忽冷然

與道者同守庚申

前人

洞真善救世守夜著集作仙經俾我外持內當茲申配庚

齋心已恬愉澡身自澄明沉沉簾帷下靄靄燈燭清四支

動用息一室虛白生收視忘取捨叩齒集神靈伊予嗜欲

寡居常病恙輕三戶既伏竄九藏乃和平無令耳目勝則

使性命傾窅然深夜中若與元氣并釋宗稱定慧儒師著

誠明派分示三教理詣無二名吉祥能止止委順則生生

視履苟無咎天祐期永真集作應物知不勞虛中理自冥豈資

金丹術即此駐顏齡

送吉州閻使君入道二首

戎昱

聞道桃源志塵心忽自悲余當從官日君是去一作棄官時

金汞封仙骨靈津咽玉池受傳三籙備起坐五雲隨洞裏

花常發人間鬢易衰他年會相訪莫作爛柯棊

二

廬陵太守近隳官月帔初朝玉帝壇風過鬼神迎受籙夜

深龍虎衛燒丹水容入境織埃靜玉液添一作傾瓶漱齒寒

莫遣桃花迷客訪千山萬水訪君難

題服生栢道士

于鵠

服栢不飛鍊閑眠閉草堂有泉誰一作唯與漱番火為焚香

新雨閑門靜孤松滿院涼仍聞枕中術親授漢淮王

題王道者一作贈隱者

前人

去尋常不在集作長不出門似絕人行牀下石苔滿屋頭

秋草生學琴寒日集作寒月一作冬月短寫易曉窓明唯到一作黃

昏後溪中聞磬聲

此詩二百三十二卷重出今已削去注異同為一作

寄續尊師

前人

得道任髮白亦一作逢城市遊新經天上取靈藥集作洞

中收春木帶枯葉新蒲生漫疑作慢流年年望靈鶴長在此

山頭

終南褚尊師集作題南峯諸道士

前人

得道終南集作南山夕曾教四皓共閉門醫病鶴倒篋養神龜

松際風長在泉中草不衰誰知茅屋裏有路通集作向峨嵋

入白芝溪尋黃尊師

前人

觸烟入溪口茫茫唯煙樾其中飛碧流十里不通屐出林

尚未明細逕懸峭壁把藤借竹勢光滑徠徠跡忽然風景

異乃到神仙宅天晴茅屋頭殘雲蒸氣白隔窓梳髮聲久

立聞吹幘抱琴出門來不是人間客山院不洒掃四時自

虛寂落葉埋長松出地纔滿一作尺曾讀上一作清經去

住疑作注長年籍願示不死方何山有瓊液

使院憶山中道侶兼李七副使約 崔備

松竹去名嶽衡茅思靜居山君水上印天女月中書舊帙

芸香在空奩藥氣餘褐衣寬易攬白髮少難梳病柳傷摧
折殘花惜掃除憶巢同仙鳥避網甚跳魚嵒阮慙交絕求
羊愧跡踈與君非宦侶何日共樵漁

訪羊尊師

孫革

花下問童子言師採藥去只在此山中雲深不知處

越中贈程先生

釋法震

紗帽度殘春虛舟寄一身谿邊逢越女花一作裏問秦人

古塞連山靜陰霞落海新有時城郭去贈與酒家親

題萬山許鍊師

前人

道成人不識流水嚮空山花暗軒窗外雲隨坐卧間驗圖

名已久絕粒事長閑更欲崑崙去羞看絳節還

七言贈張道士

僧皎然

玉京真子名太一因服日華心如日此心不許世人知只

向仙宮未曾出

送褚道士

前人

聞說洞庭無上路春遊亂踏五雲芝含桃風擺花狼藉正

是仙翁碁散時

遇谷口道士

司空曙

一見林中客閑知州縣勞白雲秋色遠蒼嶺夕陽高自說

名因石誰逢手種桃丹經儻相授何用戀青袍

送張鍊師還峨嵋山

前人

太一天壇天柱西垂蘿為挽石為梯前登靈境青霄絕下

此一作

視人問白日低松籟集作韻萬聲和管磬丹光五色雜虹一作

雲蜺春山一入尋無路鳥響煙深集作深林水滿溪

送王尊師歸湖州

前人

烟蕪蒲洞青山遠遠幢節飄空紫鳳飛金闕乍看迎日麗王

蕭遙聽隔花微多開石髓供調膳時御霓裳奉易衣莫學

遼東華表上千年始欲一迴歸

送王先生歸南山

前人

儒中年最老獨有濟南生愛子方傳業無官自耦耕竹通

山舍遠雲接玉集作雪田平願作門人去相隨隱姓名

尋紀道士偶會諸叟

李益

山陰逢集作尋道士映竹羽衣新侍坐雙童子陪遊五老人

水花松下淨壇草雪中春見說桃源洞如今猶避秦

送吉道士拜官歸舊業

李端

聞有華陽客儒裳靄紫薇微舊山連藥竇孤鶴帶雲歸柳市

名猶在桃源夢已稀還鄉見鷗鳥應愧背船飛

送馬尊師

前人

南入商山松路深石牀溪水晝陰陰雲中採藥隨旄節洞

裏耕田映綠林直上煙霞深舉手迴經丘壠自傷心武陵

花木應長在願與門人更一尋

贈太清宮道士

王建

上清道士未昇天南嶽中華作散仙書賣八分通字學丹

燒九轉定人年修行近日影如鶴導引多時骨似綿想向

諸山尋一作禮遍却廻還守老君前

贈詔徵王屋道士

前人

玉皇符到下天壇瑋瑁頭簪白角冠鶴遣院一作中童子

養鹿憑山下老人看道成不怕舟梯峻集作刀髓實常欺

石榻寒能斷人間集作腥血味長生只要一九丹

贈廬山道士

楊衡

寂寥高室古松寒松下仙人字姜鸞頭垂白髮朝鳴磬手

把青芝夜遶壇物像自隨塵外滅真源長向性中看悠悠

萬古皆如此秋比松枝春比蘭

贈羅浮易鍊師

前人

海上多仙嶠靈人信長生榮衛冰雪姿燕嚙日月精默書

絳符遍晦步斗文成翠髮霞疑肩長金耳凌風輕曉籟息

塵響天灘一作叱幽聲碧樹來戶陰丹霞照窓明焚香扣

虛寂稽首廻一作太清鸞鷲振羽儀飛翻一作拂旆旌左挹玉

泉液右攀雲芝英念得參龍駕攀天度赤城

登紫霄峯贈黃仙師

前人

紫霄一作不可涉靈峰信穹崇下有瓊樹枝上有翠髮翁

雞鳴秋漢側日出紅霞中粲粲真仙子執旄為侍童焚香

杳忘言默念合一作太空世華徒媚耀虛室自朦朧雲氣

瓊瑤圃龜息芝蘭藜玉籙掩不開天窻微微風茲焉悟佳

旨塵境亦幽通浩淼臨廣津求用挹無窮

送天台道士

孟郊

文苑英華 卷一百一十五 送天台道士 孟郊

天台山寂高動躡仙城霞何以靜其目掃山除妄花何以
潔其生掃泉去泥沙靈境物皆真萬物無一斜月中見心
近雲外將俗賒遺身獨得身笑我牽名華

送無懷道士遊富春山水

前人

造化絕一作最高處富春獨多觀山濃翠的皪水折珠摧殘

溪鏡不隱髮樹衣常遇寒風猿虛空飛月沈叫嘯酸信一作

即此神仙樂豈為時俗安黃金陰陽火因因惟星宿壇花發

或未識玉生忽叢檜蓬萊浮蕩漾非道相從難

送李尊師玄

前人

口誦碧簡文身是青霞君頭冠兩片月肩披一條雲松骨

輕自飛鶴心高不羣

送道友

集作送玄亮師

前人

蘭泉滌我襟衫風集作月淒我心名啜綠淨花經誦清柔音

何事集作處笑為別淡然愁不侵一作禁

送蕭鍊師入四明山

前人

閑於獨鶴心大於高一作喬松年迴出萬物表高棲四明巔

千尋直裂峰百尺倒瀉泉絳雪為我飯白雲為我田靜言

不話俗靈跡一作蹤時步天

贈東嶽張鍊師

劉禹錫

東嶽真人張鍊師高情雅澹世間稀堪為烈女書青簡又

事元君住翠微金縷機中拋錦字玉清壇上着霓衣雲衢

不要吹簫伴只疑乘鸞獨自飛

一作

文苑英華卷第二百二十八

此卷按四八十七字五月初一日

文苑英華卷第二百二十九

詩七十九

道門五

送贈道人五十九首

送宮人入道五道

送贈道人

靈都觀李道士

張籍

仙集作山觀雨未靜繞房瓊草春素書天上字花洞古時人

泥竈煮靈液掃壇朝玉真幾迴遊閨苑青節亦隨身

贈山中女道士

前人

女仙唯獨住集作幾年山裏住已作綠毛身護氣常虛集作稀語齋

心集作存思自見神養竈同不食留藥任生塵要問西王母仙

中第幾人

送陰集作徐先生歸蜀

前人

日暮遠歸處雲間仙觀鍾唯持青玉牒獨上碧鶴峰陰洞

新生集作長收乳寒泉舊養龍幾時因賣藥得向海邊逢

道一作隱者見二百三十二卷

前人

贈道士宜師

前人

自到皇城得幾年巴僮蜀馬共隨緣兩朝侍從當時貴五

字聲名遠處傳舊住江集作紅樓通內院新承墨詔賜齋錢

閑坊暫喜居相近還得倍師坐竹邊

送胡鍊師王屋山

前人

玉陽峰下學長生洞府仙中已有名獨戴熊鬚冠暫出唯

將鶴尾扇同行鍊成雲母休炊爨召得雷公當吏兵却到

天壇上頭宿應聞空裏步虛聲

中元日看諸道士步虛

殷堯藩

玄都開秘籙白石禮先生上界秋光淨中元夜景清星辰

朝帝處鸞鶴步虛聲玉樹花難老珠宮月最明掃壇天地

肅投簡鬼神驚儻賜刀圭藥還留不死名

贈温集作王尊師

姚合

先生自說瀛州路多在青松白石間海岸夜中常見月仙

宮深處却無山犬隨鶴去遊諸洞龍作人來問大還今日

偶聞塵外事朝簪未擲復何顏

贈王道士

于武陵

日日市朝路何時無苦辛不隨丹竈客終作白頭人浮世

度千載桃源方一春歸來華表上應呼北邙塵

天柱山贈峨嵋田道士

施肩吾

古稱天柱連九天峨嵋道士棲其巔近聞教得玄鶴舞試
憑驅出青芝田

贈道者

一作

朱慶餘

自識來清瘦尋常語論真藥成休仗火符驗不傳人獨有
年過鶴長無病到身潛教問弟子居處與誰隣

山中道士

賈島

頭髮梳千下休糧帶瘦容養雛成老集作大鶴種子作高松
白石通霄煮寒泉盡日春不曾離隱處那得世人逢

送道者

前人

獨向山中見今朝又別離一心無挂住萬里獨何之到處
絕烟火逢人話古時此行無弟子白犬自相隨

送胡道士

前人

短褐身披蒲幘集作清野苔靈溪深處觀門開却從城裏携琴
去許到山中寄藥來麗雪集作臨水古壇秋醮後集作罷啄查寒

鳥暮飛迴集作宿杉幽未遊彼地空勞想師往如雲不可

陪集作舟梯願逐真人上集作舟梯願逐真人日夕歸心白髮催

贈王尊師

劉德仁

為道常日損尊師脩此心掛肩黃布被穿髮白高簪符札
靈砂字絃彈古素琴囊中常有藥點土亦成金

山中尋道人不遇

前人

年過猶冠風塵裏常擬隨師學鍊形石路特來尋道者雲
房空見有仙經碁於松底留殘局鶴向潭邊退數翎便欲
此居閑到老先生何日下青冥

送張尊師歸洞庭

許渾

能琴道士洞庭西風滿歸帆路不迷對岸水花霜後淺傍
簷山果雨來低杉松近晚移丹竈巖谷初寒蓋藥畦他日
相思一行字誰人知處武陵溪

寄崔先生

溫庭筠

往年江海別元卿家近山陽古郡城蓮浦一作沿香中離席
散柳堤風裏釣艇橫星霜荏苒無音信烟水微茫變姓名
菰黍正肥魚正美五侯門下負平生

敬答李先生

前人

七里灘聲舜廟前杏花初盛草芊芊綠昏晴氣春風岸紅
漾輕輪野水天不爲傷離成極望更因行樂惜流年一瓢
無事麤裘暖手弄溪波坐釣舡

雪中寄殷道士

方干

大片紛紛小片輕雨和風激集作擊更縱橫園林入夜寒光
動窓戶凌晨濕氣生蔽野吞村飄未歇摧巢壓竹密無聲
山陰高集作道士多吟興六出花邊五字成

因話天台勝異仍送羅道士

前人

積翠千層一逕開盤紆集作遙盤山腹到瓊臺藕花飄落前巖
去桂子流從別洞來石上叢林礙星斗窻邊瀑布走風雷

集作
茶
集作
無
集作

集作
不

縱云孤鶴無留滯亦集作恐烟蘿不放廻

贈天台葉尊師

前人

莫一作見平明離少室須知集作薄暮入天台常時愛縮

山川去有夜自一作携星月來靈藥不知何代得古松應

是少年我先生暗笑看一作碁者半局碁邊白髮催

此詩二百六十二卷重出今已削去注異同為一作

送道人歸舊巖

前人

舊巖終副却歸期巖下有人應識師目覩嬰孩成老叟手

栽松栢有枯枝前山低校無多地東海淺於初去時若把

古今相比類姓丁仙鶴亦如斯

賦得送軒轅先生歸羅浮山

李洞

仙山歸隱浪搖青綠髮雙童一帙經符帖布帆猿鳥看鶴

煎金鼎鬼神聽洞深頭上覺舡過樓靜鼻中聞海腥此處

先生應不住吾君南望謾勞形

贈玉芝觀王尊師

雍陶

處處烟霞尋揔遍却來城市喜逢師時流見說無人在年

幾唯應有鶴知大藥已成寧畏晚小松初種不嫌遲長憂

一日歸天去未授靈方遣問誰

玄都觀李尊師

喻鳧

薜憤翠鬣公一作存思古觀空曉壇檉葉露晴圃柳花一作

杏花集一作風壽已將椿竝碁難見局終何當與高鶴飛去海

光中

長一作

雲一作

送羽人王錫歸羅浮

曹唐

風前整頓紫荷

集作霞

巾常

集作歸

向羅浮保

集作報

養神石磴

倚天行帶月鐵橋通海入無塵

一作津

龍蛇出洞閑邀雨犀

象眠花不避人最愛葛洪尋藥處露苗烟藥

一作雨

滿山春

送劉尊師祗詔關庭三首

前人

海風葉葉駕霓旌天路悠悠接上清錦誥淒涼遺去恨玉

簫哀絕醉離情五湖夜月幡幢濕雙闕清風劍珮輕從此

集作莫道

暫辭華表柱更

集作已

應千載是歸程

二

五峯已

集作此

別隔人間雙闕何年許并還既掃

集作拂

山川

收地脉須留日月駐天顏霞觴共飲身雖在風馭今

陪跡

集作路

未閑從此枕中唯

集作雖

有夢夢竟何處訪三山

三

仙老閑眠碧草堂帝書徵入白雲鄉龜臺欲署長生籍鸞

殿邀論不死方莖露想傾延命酒素烟思蕤降真香五千

言外無文字更有何詞贈武皇

贈華陽宋真人兼寄清都劉先生

李商隱

淪謫千年別帝宸至今猶識

集作謝

藥珠人但驚茅許多玄

分

集作洞仙籍

不記盧劉是世親玉檢賜書迷鳳籙

集作篆

金華

歸駕冷龍鱗不因杖屨逢周史徐甲何曾有此身

送費鍊師供奉赴上都

姚鵠

縮地周遊不計程古今應只有先生已同化鶴臨華表又

見驟龍向玉清蘿磴靜攀雲共過雪壇當醮月孤明無因
相逐朝天帝空羨烟霞得送迎

贈道士

項斯

見來知養氣度日語時稀到處唯開井經寒不絮衣病鄉
多藥惠鬼谷有符威自說身輕健今來數夢飛

華頂道士

前人

仙人掌中住坐有上天期已廢燒丹處猶多種杏時養龍
於淺水寄鶴在高枝得道復無事相逢盡日碁

秦中逢王先生

趙嘏

萬萬東流不一廻先生獨此負仙才藥宮橫浪海邊別鶴
趨駐雲天上來幾處吹簫木羽衛誰家殘日下樓臺青春

正好分瓊液乞取當時白玉杯

殘日集作
殘月

贈王先生

前人

太一真人隱翠霞早年曾降蔡經家羽衣使者峭於鶴鳥
瓜侍娘飄若花九昇欄干歸馬齒三山窈窕步雲涯時因
弟子偷靈藥散落人間駐一作物華

贈道者

前人

華蓋飄飄綠鬢翁往來朝謁藥珠宮幾年山下陰陽晷盡
日澗邊桃李風野跡似雲無處著仙容如水與誰同應憐
有客外妻子思在長生一顧中集作諾中

王先生不別而去

前人

仙翁歸袖拂烟霓一卷素書還獨携斲藥蒲囊身不病抱

琴何處鶴同棲
露衣盡日看山坐
搔首殘春向路迷
樹樹白雲幽徑絕
短舡空倚武陵溪

送趙道士歸天目舊山

薛能

愚朴尚公平
此心憐道情有祿
終自鄙何計逐師行
日者

聞高躅時人
蓋強名口無滋味
入身欲羽儀
生表乞還鄉

速集作遠詩曾對御成
七毛徵一作珍到越塵髮捲
離京符呪

風雷惡朝脩
月露清觀臨
天日頂集作秀家住海濤聲
導引

圖看足叅同註
解精休糧一擬問
忽集作葱草俟廻程

別道者

劉駕

自君入城市
北邙無新墳
始信壺中藥
不落白楊根
如何

忽告歸薜華
還笑人玉笙
無清音恨望
緱嶺雲

贈王道士

周賀

藥力資蒼鬢
應非舊日身
一為嵩岳客
幾葬洛陽人
石縫

飄探水雲根
斧斷新關西
來往路誰得
水銀銀

送梁道士

周朴

舊居桐栢觀
歸去愛安閑
倒樹造新屋
化人脩古壇
晚花

霜後落山雨
夜深寒應有
同溪客相尋
學鍊丹

謫仙吟贈趙道士

陳陶
李群生

汗漫東遊黃鶴
雛縉雲仙子住
清都三元麟
鳳推高座六

甲風雷閔小壺
日月暗資靈
壽藥山河直
擬一作常值化生符

若為失意居蓬
島鼈足塵飛桑
樹枯

送秦鍊師

陳陶

紫府靜沉沉松軒思別吟集作到琴水流寧有意雲泛本無心
錦洞桃花遠青山竹葉深不因時賣藥何路更相尋

溪行寄道侶

張祐見集本

白日長多事清溪偶獨尋雲歸秋水濶月出夜山深坐想
天涯去行悲澤畔吟東郊古人在應笑未抽簪

訪嵩陽道士不遇

聶夷中

先生五岳遊文焰滅金鼎一作日月下鶴過時人間空落影
常言一粒藥不隨死生境何當列禦寇去問仙人請

送何道士歸山

張喬

身非絕粒本清羸棘掛仙經杖一枝落葉自隨一作遠流
冰去深山長與白雲期樹臨丹竈寒花疾壇近清風夜用

遲推客若能一作隨

一作隨

過洞裏迴歸人世

始應悲

寄中岳顓頊先生

前人

先生顓頊後得道自言何人松栢早公壽兒孫老却身夜窻
峯頂曙寒澗洞中春戀此逍遙景雲云間不可親

贈崔道士

杜荀鶴

四海干戈無靜處人家廢業望峰峰州九華道士渾如夢猶
向罇前笑揭天

送鄒尊師歸洞庭

楊逵

衆鳥在波心曾居一作爲舊隱林近聞飛檄急轉憶卅雲深
賣藥唯供酒歸舟只載琴遙知明月夜坐石自開襟

遇道者

高壇集作幽壇

張蠟

數里白雲裏身輕無履蹤故尋多不見偶到即相逢古井
生雲水高集作幽壇出異松聊看杏花酌便似換顏容

贈道者

前人

得道疑人識都城獨閉關頭從白後黑心向鬧中閑饑渴
唯調氣兒孫亦駐顏始知仙者隱殊不在深山

送芮尊師

王真白

石上菖蒲節節靈先生服食得長生早年避世憂身老近
日登山覺步輕黃鶴待傳蓬島信丹書應換藥宮名他年
控鯉昇天去廬岳逋民願從行

寄程尊師

羅隱

鶴信雖然至集作到五湖烟波迢迢路崎嶇玉書分薄花生

眼金鼻功遲雪滿鬚三秀紫芝勞夢寐一番紅槿恨朝晡
未知朽敗凡間骨中授先生指教無

第五將軍於餘杭天柱觀集作宮入道因有題寄

交黎火棗味何如聞說苕川已卜居集作下車瓦榭尚携京口

酒草堂應寫潁陽書亦知得意須乘鶴未必忘機便釣魚
即集作却恐武皇還望祝軟輪徵入問玄虛

寄聶尊師

前人

欲芟荆棘種交梨指畫城中日恐遲安得紫青磨鏡石與
君閑處看榮衰

逢道者神和子

王穀

珍重神和子聞名五十年童顏終不改綠髮尚依然酒裏

消閑日人間作散仙長生如可慕相逐隱林泉

贈道人

曹松

住山因以福為庭便向山中隱姓名園苑駕將雕羽去洞
天瀛得綠毛生日邊腸胃殮霞火月裏饑膚飲露英顧我
從來斷浮濁擬驅雞犬上三清

訪道士

裴說

高岡微雨後未一作木脫草堂新惟有疎慵者來看淡薄人

竹牙生碍路松子落敲巾粗得玄甲趣當期宿話頻

送宮人入道

王建

休梳叢鬢洗紅粧頭帶芙蓉出未哭弟子抄留集作將歌遍

疊宮人分盡集作散舞衣裳問師初付經中字入靜獨燒內

裏香發願蓬萊見王母却歸闕下集作人世一作城闕施仙方

同前

張籍

舊寵昭陽裏求集作尋仙此最稀名雖集作初出宮籍身未稱

霞衣已別歌舞貴長隨鸞鶴飛中官看入洞空駕玉輪歸

同前

于鵠

才五吹簫入漢宮看脩水殿種芙蓉自傷白髮辭金屋許

著黃衣向雪峰解語老猿開曉戶學飛鸞鶴落高松定知

別後宮中伴遙聽緜山半夜鍾

同前

張蕭逢

捨寵求仙畏色衰辭天素面立階墀金丹擬駐千年貌玉
指休勻八字眉師主與枚珠髮後君王看戴角冠時從來

宮女皆相妬聞向瑤臺盡淚垂

同前

項斯

願隨仙女董雙成王母前頭結百家詩選作伴行初戴玉冠多
候拜欲辭金殿別稱名將敲碧發新齋聲却進昭陽舊賜
箏且暮焚香遶壇上步虛猶作按歌聲

文苑英華卷第二百二十九

按正一百單一字

五月初二夜大雨傾注氣候如伏暑異矣

文苑英華卷第二百三十

詩八十

隱逸一



徵君二十一首

五石十首

處士三十一首

徵君

谷何徵君

任昉

散誕羈勒外拘束名教裏得性千年同山林亦一作無朝市

勿以耕蠶貴空笑易農士宿昔仰高山超然絕塵軌傾壺

已等藥命管亦齊喜為歎君獨遊若路一作終方同止

一作皆藝文類聚

贈徐徵君

前人

一作壺已等藥命
管亦齊符圖
一作何為歎獨游
又作因為歎獨游

一作
乘

促生悲永路早交傷晚別自我隔容微於焉積歲月情非
山河阻意似江湖悅東臯有儒素杳與榮名絕曾足違賞
心曷用箴余缺眇焉追平生塵書廢不閱信此伊能已懷
抱豈暫輟何以表相思貞松擅嚴一作嚴節

贈李徵君大壽

王績

孔淳辭散騎陸昶謝中郎幅巾朝帝罷策杖去官忙附車
還趙郡乘船向武昌九徵書未已十辟譽彌彰副君迎綺
季天子送嚴光霸陵幽徑近磻溪隱路長編蓬還作室績
草更為裳會稽置樵處簡陵賣藥行看書惟道德開教止
農桑別有懷幽侶由來高讓王前年辭厚幣今歲返寒鄉
有書橫石架無氈坐土牀蘭英猶足釀竹實本無糧澗松
寒轉直山菊秋自香管寧存祭禮王霸重朝章去去相隨
去披裘驕盛唐

答田徵君

宋之問

家臨清溪水溪水遶盤石綠蘿四回垂裊裊百餘尺風泉
度絲管苔蘚鋪茵蓆傳聞潁陽人霞外漱靈液忽在巖中
翰吟臥朝復夕何處文粹作當遂遠遊物色候逋客

徵君宅今抵洹寺是

許景光

徵君昔嘉遁抗跡遺俗塵了心悟有物乘化遊一作無垠
道喪歷千載復存潁陽真上虞佳山水晚歲耽隱淪內史
既解綬支公亦相親儒道匪遠理意勝聊自欣洹公南溪
夕流浪東山春石壁踐丹景金潭冒綠蘋探鍊備海嶠賞

心寓情人奈何靈仙骨鍛一作翮瑶池津寥寥虛白字夙
翹招提因家風緬多尚玄德謝無隣謬陪金門彥矯跡侍
紫宸皇恩竟已矣遺烈庶不泯

行至汝墳寄盧徵君

孟浩然

行乏憇余駕依然見汝墳洛川方罷雪嵩嶂有殘雲曳曳
半空裏明明五色分聊題一時興因寄盧徵君

贈楊

集作陽徵君鴻此公時被徵

李白

陶令辭彭澤梁鴻入會稽我尋古同士傳君與古人齊雲卧
番丹壑天書降紫泥不知楊伯起心早晚向關西

寄趙徵君蕤

前人

吳會一浮雲飄如遠行客功業昔天從就成光屢奔迫良圖

俄棄捐衰疾乃綿劇古琴藏虛匣長劍挂空壁楚懷久鍾
儀越吟比莊鳥國門遙天外鄉路遠山隔朝憶相如臺夜
望子雲宅旅情初結緝秋氣風寂方風入松下清露出草
間白故人不在此而我誰與適寄書西飛鴻贈爾慰離析

尋廬山崔徵君

丘爲

日高鷄犬靜門掩向寒塘夜竹深茆宇秋庭冷石牀住山
年已遠服藥壽偏長虛棄浮生者相逢益自傷

家叔徵君東溪草堂作二首 盧象

關山十餘里青壁森相倚欲識堯時人一作天東溪白足一作

雲是雷聲轉幽壑雲氣相表裏一作流水澗影生蟲蛇巖端

翳裡一作化梓大道終不易君恩曷能已鶴蓋一作美無老時

龜言攝生理浮年笑六甲元化潛一指未暇掃雲梯空慙
阮家一作子氏一作子 一作皆文粹

二

今朝共遊者得性閑未歸已到仙人家莫驚鷗鳥飛水深

嚴公釣松桂巢父衣雲氣轉幽寂溪流無是非名理未足

羨腥臊誰文粹作文粹所希自惟負直意何歲一作當食薇

自鄱陽還中道寄褚徵君 劉長卿

南風日夜起萬里孤帆漾元氣連洞庭夕陽洛波上故人

烟水隔復此遙相望江信久寂寥楚雲獨惆悵愛君清川

口弄月時棹唱白首無子孫一生自踈曠

同王徵君洞中有懷 張謂

八月洞庭秋瀟湘水北流還家童四里夢為客五更愁不用

開書篋集作偏宜上酒樓故人京洛滿何日復同遊

送孔徵君 皇甫曾

谷口幽集作多處君歸不可尋家貧清史在身老白雲深

掃雪開松逕疏泉過竹林余集作生負丘壑相送亦何心

陪王郎中尋孔徵君 韋應物

俗吏閑居少同人會面難偶隨香署客來訪竹林賢暮館

花微落春城雨暫寒甕間聊共酌莫使官情闌

酬秦徵君徐少府春日見寄集作奉酬秦徵君系春日撫州西亭野望

兼寄徐少府 戴叔倫

終日愧無政與君聊散襟城根山半腹亭影水中心朗詠

竹窻靜野情花逕深那能有餘興不作剡溪尋

此詩三百十五卷重出今已削去

送戴三徵君還谷口舊居

釋理瑩

巖穴多遺秀弓車屢遠招周王尊渭叟穎客傲唐堯出處

天波洽關河地勢遙瞻星吳郡夜作霧華山朝清論虛重

席間君挂一瓢漁歌思坐酌宸渥寵行輶春為荷裳暖霜

因葛履消層崖懸瀑潘萬壑振清風客鳥猶一作還遷木坊

駒正一作會食苗謝安何日起台昇竹君調

送駱徵君

陳潤

野人膺辟命溪上掩柴扉黃卷猶一作心去青山肯更歸馬晉

苔蘚跡人脫薜蘿衣他日相思處天八邊望少微

經李徵君故居

溫庭筠

霧濃烟重草凄凄一作凄凄樹映欄干柳拂堤一院落花無客醉五

更殘月有鶯啼芳筵想像情難盡故榭荒涼路已迷風景

宛然人自改集作惆悵却集作每經門巷馬集作亦頻嘶

贈鄭徵君

集作題鄭徵君家匡山首春與丞相贊皇公遊

前人

一拋蘭棹逐燕鴻曾向江湖識謝公每到朱門還悵望故

山多在畫屏中

九華山費徵君所居

羅隱

草堂何處試徘徊見說遺蹤向此開蟾桂自歸三徑後鶴

書曾向九天來白雲事跡雖然集作依前在青瑣光陰竟不廻

盡日集作夕為君思曩昔集作曩日一作往日野泉鳴咽路莓苔

一作露
集作已

居士

早春贈別趙居士還江左時長卿下第歸嵩陽舊

居

劉長卿

見君風塵裏意出風塵外自有滄州期含情十餘載深居

鳳城曲

一作北

日預龍華會果有

集作得

僧家緣能遺俗人能

一身今已適萬物知何愛悟法電已空看心水無礙一作

且將窮妙理兼欲

一作亦

尋勝繁何獨謝客遊當為遠公輩

放舟馳楚郭負杖辭秦塞目送南飛雲令人想吳會遙思

舊遊處髣髴疑相對夜火金陵城春烟石頭瀨滄波極天

木萬里明如帶一片孤客帆飄

然向殘

一作青

靄楚天含江

氣雲色常霏霏對隱見湖中山相連數州內君行意可得全

與時人背歸路隨楓林還鄉念尊菜顧予尚羈束何幸承

眄睽素願徒自勤清機本難逮累年忝賓薦末路逢沙汰

淩落名不成徘徊意空大逢時

雖一作難

貴達守道其易退

逆旅鄉夢頻春風客心碎別君日已遠離念無明晦予亦

還柴荆山田事耕耒

送薛居士和州讀書

嚴維

孤雲獨鶴共悠悠萬卷經書一葉舟楚地巢城民舍少村

烟杜樹怨湖秋蒿萊織女晨炊黍籬落耕童夕放牛年少

不應辭苦節諸生若遇亦封侯

自青山詣於潛道中作呈元八居士

釋靈一

蒼水灘行淺潛州路漸深參差遠岫一作村色迢遞野人心

東澗水難釋秋山月易陰不知天目下何處訪雲林

此詩二百九十三卷重出今已削去注異同為一作

欲尋天目先問元駱二居士已見一百六十六卷前人

送沈居士還太原 釋皎然

辭鄉因世難家族盛南朝名重郊居賦沈休文作郊居賦才高獨

酌議沈文子作浪花飄一葉峯色向三條高逸雖成性弓旌肯

妄招

秋宵即事示崔居士 前人

禪性愛方丈寂寥無四鄰秋天月色正清夜道心真大夢

觀遺跡浮名悞此身不知庭樹意榮落感何人

滑中贈崔高士 王季友

夫子保樂命外身得無咎日月不能老化腸為一作無筋否

十年前見君甲子過我壽云何今相逢華髮在我後近而

知其遠少見今白首遙信蓬萊宮不死世世有玄石采盈

檐神方秘其肘問家唯指雲意氣常言酒攝生固如此履

道當不朽未能太虛同願亦天地久實腸以芝木賤形乃

芻狗自勉將勉余良藥在苦口

此詩三百四十卷重出今已削去

留題杜居士 許渾

松偃石牀平何人識姓名溪冰寒棹響崑雪夜窻明機盡

心猿伏神閑意馬行應知此未客身世兩無情

贈滔口苗居士 鄭谷

歲晏樂園林維摩契道心江雲寒不散庭雪夜方深酒勸
漁人飲詩憐稚子吟四郊多壘日勉我捨朝簪

敷溪高士

前人

敷溪南岸掩柴荆掛却朝衣受淨名閑得林園栽樹法喜
聞兒姪讀書聲眠窻日暖添幽夢步野風清散酒醒謫去
徵還何擾擾片雲相伴看衰榮

處士

贈周處士

庾信庾信見類聚

九丹開石室三徑沒荒林仙人翻可見隱士更難尋離下
黃花菊丘中白雪琴方欣松葉酒自和遊仙吟

尋周處士弘讓

曲愁曲愁見類聚

前人見類聚

試逐赤松遊披林對一丘梨紅大谷晚桂白小山秋石鏡
菱花發桐門琴曲愁集作泉飛疑度雨雲積似重樓王孫
若不去山中定可留

贈周處士

王褒

我行無歲月征馬屢盤桓嶠曲三危阻關重九折難猶持
漢使節尚服楚臣冠巢禽疑上幙驚羽畏虓彈飛蓬一作
去不已客思一作漸無端壯志與時歇生年隨事闌百齡
悲促命數刻念餘懽雲生隴坻黑桑踈劍北寒鳥道無蹊
逕清瀨類聚有波瀾思君化羽翮要我鑄金冊

別周處士

尚書弘正

庾信

扶風天柱一作石橋北函谷故關前此中一分手相逢知幾年

黃鶴遂及顧徘徊一作戀應愴然自知悲不已徒勞減瑟絃

此詩二百六十六卷重出今已削去注異同為一作

還草堂尋處士弟 周弘正

歲時易荏苒百齡倏將半故老多零落山僧盡離散宿樹
倒為查舊水侵成岸幽尋屬令弟依然歸舊館感物自多
傷况乃春鶯亂

贈程處士 王績

百年長擾擾萬事悉悠悠日光隨意樂集作落河水任情流
禮樂囚集作因姬旦詩書縛集作傳孔丘不如高枕枕時取醉

消愁

贈衛八處士 杜甫

人生不相見動如參與商今夕復何夕共此燈燭光少壯
能幾時鬢髮各已蒼訪舊半為鬼驚呼熱中腸焉知二十
載重上君子堂昔別君未婚兒女忽成行怡然敬父執問
我來何方問答乃未已集作未及驅兒羅酒漿夜雨剪春韭新
炊間黃梁主稱會面難一舉累十觴十觴亦不醉感子故
意長明日隔山岳世事兩茫茫

留別龔處士 李白

龔子棲閑地都無人世喧柳深陶令宅竹暗辟疆園我去
黃牛峽遙愁白帝猿贈君卷施草心斷竟何言

贈丹陽周處士惟長 前人

周子橫山隱開門臨城隅連峰入戶牖勝槩凌方壺時在

白紵詞放歌丹陽湖水色傲溟渤川光秀菰蒲當其得意
時心與天壤俱閑雲隨舒卷安議集作識身有無抱石耻獻
玉沉泉笑探珠羽化如可作携手集作相携上清都

贈張公洲革處士

前人

列子居鄭圃不將衆度分革侯一作卓然遁南浦常恐楚人聞
抱甕灌秋蔬心閑遊天雲每將瓜田叟耕種漢水濱時登
張公洲入獸不亂群辭并無桔槔事閑絕刺繡文長揖二千
石遠辭百里君斯為真隱者吾堂慕清芬

巴陵別劉處士

王昌齡

劉生隱岳陽心遠洞庭水偃帆入山郭一宿楚雲裏竹映
秋館深月寒江風起烟波桂陽故日夕數千里嫋嫋清夜
猿孤舟坐如此湖中有來鴈兩雪至候音音

過湖南羊處士別業

劉長卿

杜門成白首湖上寄生涯秋草無集作蕪三逕寒塘獨一家
鳥歸村落靜水向縣城斜愛子醒還醉籬東菊正花集作自有
東籬菊年
年鮮作花

過終南山柳處士

司空曙

雲起山蒼蒼林居蘿薜荒幽人老深境素髮與青裳兩滌
莓苔綠風搖菡萏香洞泉分派一作流淺巖筍出叢長敗獲
安松砌餘碁在石牀書名一為別還路已堪傷

因省風俗訪處士姪不見題壁 韋應物

去年澗水今亦流去年杏花今又拆山人却歸來問誰還

是去年行春客

潘處士宅會別

戴叔倫

相邀寒影晚惜別故山空隣里疎林在池塘野水通十年
難遇後一醉幾人同復此悲行子蕭蕭逐遠蓬

留別宋處士

前人

留歡方繼燭此會豈他人鄉里遊從舊兒童內外親夜深
愁不醉老去別何頻莫折園中柳相看惜暮春

待漏假寐夢歸江東舊居因寄惠闍梨茅處士時德

輿秉政未果會故也

權德輿

十年江浦臥郊園閑夜分明結夢魂舍下烟蘿通古寺湖
中雲雨到前軒南宗長老知心法東郭先生識化源覺後

忽聞清漏曉又隨簪佩入君門

送李處士歸弋陽山居

前人

斃來城市意何如却憶着陽溪上居不憚薄田輸井稅自
將佳句着州閭波翻極浦檣竿出霜落秋郊樹影疎想到
家山無俗侶逢迎只是坐藍輿

勞山居寄呈吳處士

釋皎然

山事由來別只應中老身寒園掃綻栗秋浪拾乾薪楚人呼養
柴為領鶴閑書竹誇雲笑向人俗家流一作相去遠野水作

東隣

同前

官居昇黜古今無名世才臣獨一余賢閣御題龍墨燦詔

歸補衮在須臾

贈王處士

王建

松樹當街雪滿地也青山掩障碧紗帷鼠來案下長集作偷

水鶴在牀前亦看碁道士寫將行氣法家僮授與步虛詞

世間有似君應少便一作願乞從今作我師

送盧處士歸嵩山別業

劉禹錫

世業嵩陽集作山隱雲深無四隣藥鑪燒姪女酒甕貯賢人

晚日華陰霧秋風函谷塵送君從此去鈴閣少談賓

經王處士原居

張籍

舊宅誰相近唯僧近竹關庭寒雲滿井窻曉雪通山來客

半留宿借書多寄還明時未中歲莫便一生閑

寄梅處士

前人

擾擾人間足是非集作是與非官閑自覺省心機六街班裏身

常下九列符中事且集作亦稀市客慣曾賒賤藥家童驚見

着新衣君今獨得居山樂應笑多時未辦歸

送耿處士

賈島

一餅餅離別酒未盡即言行萬水千山路孤舟幾月程川原

秋色靜蘆葦晚風輕迢遞不歸客人傳虛隱名

憶吳處士

前人

半夜長安雨燈前越客吟孤舟行一月萬水與千岑島嶼

夏雲起汀洲芳草深何當折松葉拂石刻溪陰

憶江山吳處士

前人

閩國揚帆去蟾虧還復圓集作蟾蝓秋風吟渭水落葉滿
長安此地聚會久集作夕當時雷雨寒蘭橈殊未返消息海
雲端

尋陳處士山堂

劉得仁

步溪九幾轉始得見幽蹤地集作路隱千根樹門集作房開萬

仞峰片雲生石竇淺水臥枯松窮谷風光冷深山翠碧集作

越濃鶴看空裏過仙向坐中逢底露秋潭水集作石聲微迴

觀鍾暮年來此定異日願相容且喜今歸去人間事更集作

事慵

訪曲江胡處士

前人

何況歸山後而今已似仙卜居天苑畔閑步禁樓前落日

明沙岸微風上紙鷲靜還林石畔一作下坐讀養生篇

送姚處士歸亳州

前人

白髮麻衣破還誰別弟迴首垂聽樂淚花落待歌盃石路

尋芝熟柴門有鹿來明王下徵詔應就碧峰開

題王處士山居

前人

茅堂入谷遠林暗絕其隣終日有流水經年無到人溪雲

常欲雨山洞別開春自得仙家術栽松獨養真

自青山詣於潛道中作日易陰集作日易沈

此卷校正一百四十字補校記十七字

五月初二夜校畢已四更蒼榻猶未息也

文苑英華卷第二百三十終